

四庫全書

集部

欽定四庫全書

集部

古歡堂集卷十四

十二至十四

詳校官侍講學士臣法武喜

助教臣常循履勘

總校官庶吉士臣何思鈞

校對官中書臣石鴻勳

謄錄監生臣姚希慶

欽定四庫全書

古歡堂集卷十二

戶部侍郎田雯撰

○七言律詩

飲酒

西江吸盡一長鯨  
饒口淋灰是老儉  
醉後詩篇如水潑  
睡時鼻息作雷鳴  
何須錢送蘇司業  
再作官須阮步兵  
拚得隨身常荷鍤  
婦言絮絮莫相輕

齋中即事

布裘重疊負冬暄，獨坐山薑一陋軒。  
酒可策勲加九錫，詩能得意直千緡。  
攤書半胸聽兒讀，好夢來朝對客言。  
芟去黃楊小樹子，瓦盆澆水種山礬。

徐電發檢討枉過出楓江漁父圖索題

二載江南我乍還，草堂秋老菊籬斑。  
漫勞釣叟天隨子，來訪樵人鹿角關。  
舊識偏張黃鶴嘴，詞場亦是劍芒山。  
羨君戴笠搖船去，楓葉蘆花鶯脰灣。

村望

科頭倚杖立當門  
樵唱斜曛野色昏  
數點寒鴉投遠樹  
一川流水遶孤村  
靜聞鐘鼓投禪地  
閒摘匏瓜到後園  
南郭子綦書帖至  
重陽有約菊花樽

北上二首

自分漁竿老此身  
衣衫抖擻舊征塵  
又為渭北江東客  
不是清泉白石人  
擔酒送行辭野叟  
借驢持帖與南隣  
山妻亦有臨岐語  
甘讓黔婁作隱淪

囊書裹藥漫登程  
車脚勞薪復此行  
一貌原知非蔡澤

四愁自昔是張衡舊時猿鶴休相誚別後田園便廢畊  
遊子有衣縫密密慈幃含淚不勝情

出都留別允斌湛子寶詒廣陵諸子

詩筒謔扇亂紛紛初上征途已夕曛十載重沾燕市酒  
一帆新挂楚江雲低頭手板悲雞肋分袂河梁惜雁羣  
他日郎官湖上望沅蘭湘芷倍思君

竹竿小卷比鄰居况復髫年共讀書鬚鬢于今成二  
老文章當日足三餘才掄江左方歸里漕轉荆南又

駕車黃鶴樓中明月夜吟詩醉酒可思予 蕭惟豫  
昔年白下君送我臨當解纜拔柳椿勞勞亭子惜分  
袂津吏伐鼓聲逢逢今年燕市我送君西山積雪連  
崢嶸夕陽欲落猶未落返景倒射紅油牕人生合并  
苦不易君又乘傳熊渠邦川涂迢遞四千里計程涉  
濟河淮江翻飛蒼雁且莫致攬環結綬何時雙深盃  
當前宜縱飲滿貯獸火傾羊腔坐中曹謝鬪竒句掉  
險類舞都盧撞譬諾宮商迭相奏竽瑟控榻紛琤樅

君亦錄別留新詩偏師一出長城降古來文人志開  
濟豈必翰墨驚冥卷邇者七澤罷兵革燒畬買犢齊  
耕稷芻芟米粟待輸輓管籥糴秣爭牽扛有時清暇  
集參佐赤闌湖口浮解艘雄風颯然蘋末至怒濤直  
指臺根撞武昌魚泔十千尾宜城酒醞二百缸維藩  
樹屏昔所重快意不在張牙幢我今謫官一無事思  
從楚客搴蘭茝題襟漢上許屬和抽帆他日偃畫杠

朱彞尊



沔水無天涌荆山拔地高夫若工翰墨茲土擁旌旄  
作貢金三品輸租粟萬艘公餘歌白雪能復憶吾曹  
三楚風流盛之官樂有餘齋移釣臺柳厨鱸武昌魚  
繡被當春覆胡牀待月舒曾聞收竹箭祀梓更何如

閻若璩

新鄭縣別畢僉事鐵嵐

時予之官武昌鐵嵐貴州

蘧瑗祠前幾日過又從榮曲渡黃河論文驢背頻搔首  
沽酒村墟便放歌三楚風烟黃鵠下萬山瘴癘夜郎多

臨歧溱洧城南路芍藥花開竟若何

佛手柑樹子

香甲霜包顆顆懸江城秋樹弄寒烟一奩奪去伸新爪  
三寸黃來飽老拳晴晝鷓鳴傾斗酒提羅花放禮金仙  
噴人流齒清齋裏叅得毘耶一指禪

斲龜

其小  
如錢

老桑蚤避體輕圓留伴書牀硯沼邊毛碧渾如么鳳色  
甲斑酷似五銖錢搭牀用爾翻嫌小曳尾藏君絕可憐

萬事蹉跎吾意懶  
不須鑽筭費言詮

衙齋水亭

官閒結構小亭幽  
曲徑迴橋碧沼頭  
分得晴川半篙水  
移來黃鶴一層樓  
開牕人在垂楊下  
坐檻風牽畫舫遊  
李白嵇康常到此  
看花漉酒楚江秋

量移北上留別沈範先龔千谷成仲謙諸同人  
半牽手板鄂王城  
此日蕭蕭班馬鳴  
西塞山頭留客駕  
郎官湖上送人行  
從前枉費懷中刺  
向後還兼吏隱名

沅芷湘蘭皆可贈不須折柳倍含情

再示仲謙

武昌魚賤酒堪賒遊徧山阿又水涯  
斷市風漪眠竹簟夫人廟口泛桃花  
功名有日侔陶侃賓客多人識孟嘉  
三十六鱗當蚤寄思君落月漢川斜

喜晤葉井叔

故人解后手重攜勝地登臨共杖藜  
雪霽大江看赤壁梅開古寺訪寒溪  
詞場好事皮偕陸酒客生涯阮與嵇

別後詩篇校多寡讓君卷帙楚山齋

臨臯亭畔結寒廬舊態狂奴病接輿繡被跡陳潮落後  
款冬花放雪殘餘山青可買同招隱頭白堪憐蚤著書  
原憲雖貧且高臥笑他杜甫慣騎驢

題禹尚基小像

萬箇蒼筤數間屋江邨卜築足逍遙長竿小艇漁家具  
紫蟹清樽墊客招得絹無妨聊作襪逢人何事但呼猫  
圖中尚少烟霞侶快事添予一老樵

送徐電發檢討歸吳江兼寄潘次明

小雨乍晴花信風  
潞河送客太匆匆  
參差白水柳新綠  
三五黑鴉天晚紅  
桑葉稻苗茅舍外  
魚泔酒劑釣船中  
松陵朋舊迎徐旆  
鶯脰烟波興不同

第一螭頭拂衣去  
歌斜春水掛風帆  
人於泉石多奇癖  
官是蓬萊最美銜  
茶塢糟丘招堊叟  
葛巾草笠換朝衫  
江鄉潘岳令無恙  
煩寄雙魚又一函

京口詩

飄竿鷓尾下江津北固南徐問俗人  
簫鼓數聲渡揚子  
雲山一帶眺春申  
佛狸祠下青楓老  
石馬村邊白雁新  
憶自論文經此地  
十年車腳歎勞薪

海陵人家園亭

名園一曲抱烟津  
月觀風亭次第陳  
小徑恰逢蒼水使  
奇花疑有玉林神  
海門暗送霞侵戶  
隋苑平連柳麴塵  
看竹偶來空悵望  
西風水調一番新

詠史

老子山前水北流，白洋東畔劃雙溝。連宵地軸馮風動，  
半夜天吳咽鼓遊。術善累丸終是險，人同築室豈無謀。  
從前祇有陳登陋，何用書生抱杞憂。

秋風吹送浪花肥，使者司空立落暉。壁馬久藏何處用，  
支祁竊笑昔人非。錢王勁弩千夫辟，嬴氏長城萬里圍。  
東下廟灣連大海，淮驕不肯滙黃歸。

亡羊思補豈途窮，辛苦多年鬼物攻。鐵壁那容穿一穴，  
柳梢幾處挂千虹。秋生白露蒼葭外，淚灑漁莊蟹舍中。



爛額焦頭多上客愁聞中澤有哀鴻

串場一望水衡催雨雪霏霏幾度來魚價久知鹽瀆賤  
芟花愁向白駒開注金注瓦誰為巧功狗功人總是才  
約東波臣書上考何須冰炭苦相猜

濠梁道上遣懷

埜店柴門傍樹陰攜家投憩日初沉小兒謔作吳儂語  
老婦譏為楚相吟榴艷色如紅鞞鞞酒香名是蜜林禽  
相看易下郵亭淚莫話關河老病侵

唐寶記云紅鞋鞞大如巨粟赤如朱櫻文與可朱櫻詩君王日半坐倚蘭翡翠一盤紅鞋鞞今用之狀榴花之紅也

大梁懷古示侯進士明

鳴蛙官柳汴城阿  
襜褕巾車踏綠莎  
平埜千邨連廣武  
長堤一綫束黃河  
牛羊夕下鴻溝界  
風雨遙聞麥秀歌  
行處登臨拾瑤草  
吹臺西畔野花多

襜褕音忒戴不曉事之稱也山谷和錢穆父贈松扇詩可憐遠渡幘滿淒適堪今時襜褕子

陳跡依然古渡旁  
汴宮離黍斷人腸  
信陵空想魏無忌

博浪徒勞張子房  
雨後落花沾馬足  
風來夏木轉鶯簧  
侯家人物真奇絕  
本是巨門監者鄉

武陵縣

小謝輕埃灑鷓竽  
烟四面水痕寬  
酒旗半濕柳花口  
漁唱一聲牛鼻灘  
溪流漸分清更碧  
柁風頻轉暑偏寒  
仙源莫謂荒唐甚  
且入秦人洞裏看

柳花口牛  
鼻灘村名

河伏山新息侯祠

古屋昏燈矍翁  
崔婁村井廟門  
通斷碑疑是邊  
陞柱

壞像仍矜顧盼雄夕照烟浮鴉背黑野塘香送藕花紅  
土人莫薦新菰米恐與當年蕙苳同

秦人洞

桃川不見桃花樹洞水潺湲洞口封那有秦人來餉客  
但於梵寺靜聞鐘數行怪鳥穿深竹百丈寒藤上古松  
不是仙源亦堪戀愛他幽境最高峯

蒼茫入去無多路草木田廬種種宜村口客來沸雞犬  
洞中人盡古鬚眉翻嗟漁父迷花徑好共瞿童訪鍊師

烟火神仙非臆說，雲山咫尺莫相疑。

贈某總戎

八陣排連鐵騎鳴，元戎小隊下山城。  
我來屈子吟騷地，君領蓑侯細柳兵。  
開府銜同新刺史，將軍才本舊書生。  
佛桑花暎熊溪水，兩岸鈴旗一片明。

黔以州名故有第五句

蕉溪

羊腸一綫石橫陳，高下盤旋似轉輪。  
嶺外村墟唯木老，溪邊烟火是蕉人。  
虎來日暮愁孤旅，水退廬殘少四隣。

蘆管聲中流涕久二三父老意相親

飛雲巖

飛雲巖立翠千重草草登臨日下春  
莫信人間唯五嶽須知天末有三峯  
秦灰漢壘羣仙宅雲陣花幢古佛蹤  
如此竒山誰領畧曾無七十二家封

黏天拔地湧晴霞虎豹司閤瀑布遮  
鬼斧神工峯口石紅酣白糝寺門花  
客兒遊屐何嘗到支遁禪栖便是家  
跬步從前應自笑真同井底一寒蛙

同范眉山王在茲遊清溪洞二首即次眉山韻  
選勝偏從獠箐搜偶來駐馬揖浮丘林深花逐籃輿轉  
山老雲埋洞壑幽曳杖僧調松下鶴當風人立水邊樓  
戎戎南雪清溪曲乘興疑同八剡遊

風暖泥融雪半消經冬木葉未全凋須停鼓角聽山雷  
莫以車徒溷墊樵鸞鳥羽於溪口浴梅花鬚向客巾飄  
采風更入前山路落日輕烟過短橋

盤江道中

卷十二  
一氣鴻濛日影昏，亂峯屏擋水奔渾。  
伏溪石似斜眠虎，下嶺人如倒挂猿。  
謝客尋來停馬足，唐蒙多事斲雲根。  
蠻官羅拜中車下，烏布纏頭擯鼻禪。

象鼻嶺

半腰泥滑墊風昏，楠刺藤梢不可捫。  
石隘空懸二分足，雲流浮動一山根。  
行僧手拄枕，柳杖飛鳥烟埋狔狔村。  
日暮虎行鬼相語，吹螺打鼓亦消魂。

選詩竟置酒自勞命，小伶度曲率成四章更擬。



春日選元明詩故篇末及之

忽從雅頌問源流萬首千篇自較讐高下可容分甲乙  
抑揚未敢置薰蕕裝成面用鴉青紙把玩手防寒具油  
莫怪襲藏常護惜功夫兩月費雕搜

自憐衰病仗參苓彊勉編摩腕欠靈匡氏解頤風自媚  
毛精舊壘草還青歸時重可馱牛背傳去名須避馬庭  
狡獪不將付梨棗只留繕本伴茶經

趨事清齋可張

去聲

軍聽鈔全仗小胥勤鷄毛作筆三錢

直松液燒燈午漏分半白半紅拈賸帖一魚一魯辨訛  
文瓠肩麥餅官囊酒餉爾今朝策異勲

山蘊牢落有心情一部宮商夜沸聲紅袖小鬟新樂府  
白髭老子舊詞名樽前好事傳佳語世上浮雲任浪評  
待到梅開雪消日再排三十卷詩成

題小樓壁

淺衙隙地北岡頭竹柱泥窗架小樓南陌青峯相對立  
東河白水一邊流看來阮籍嫌多壁牽去張融只當舟

山郭夕陽鴉數點憑闌滿眼夜即秋

九日城南登高同華隱翰林遜五舍人乾菴將

軍

夜即秋色不堪論瘴雨蠻烟草樹髡鬼火蕭條竹王國  
烏巢高下木瓜村堯場講席餘殘照銅鼓荒祠傍獵原  
蕭瑟西風吹客帽層樓一上一銷魂

漁磯浪小水花柔古寺鐘聲起暮愁青嶂缺銜新月上  
烏川寒湧落楓流一番霜信天無雁數點潭痕雨泛鷗

站醬蘆蓴今夕興蠻鄉白到九分頭

重九憶家園菊花寄李漁村同年

茱萸強插瘴江邊為憶東籬倍黯然綠蟻已輸陶處士  
黃花空負傅延年故人在龍淙洞清興誰吟秋水篇  
楓葉蘆根蠻徼外瀟湘何日泛歸船

射圃晚歸馬上作

寒原木葉馬蹄中射圃歸來趁晚風片月初銜孤塔頂  
怒流直下小橋東背城山湧三層黑傍郭燈搖一寸紅

卻羨漁磯烟水上柴門深閉鹿皮翁

重陽後三日遊清淵人家園亭懷四溟山人

前宵孤負茱萸節今拄登臨杖一枝紅蓼淺深茅舍外

昏雅三五夕陽時花邊呼起陶彭澤杖興吟同謝客兒

寒柳長河一搔首

長河寒柳茂秦  
九日詩中語

醉憑禪榻寫烏絲

深秋客館貪眠日鬪茗彈碁強數回亭畔塵風黃葉下  
門前送酒白衣來孤鴻寂寞思求侶病菊淒清不肯開  
欲訪四溟何處住留連野水板橋隈

何媪雜詩十首 有序

何媪者屯氏河西村人也本農家婦善衛生術二十  
結褵以後遽謝鉛華八耄鶴髮之年何其矍鑠少逢  
道士口傳胎息之經老養谷神心妙參同之契若其  
肌膚冰雪豈非姑射名姝即此巾幗侏儻亦是稚川  
佳偶謝自然非所論也華山女無以過之今者以丹  
臺入道之真詮授白首傷心之病客兔葵燕麥桃花  
憐我劉郎豕腹龍頭石鼎驚茲侯喜思簫史而未遘

僕本恨人求勾漏以寄懷誰為仙吏溪山寂歷早迷  
秦洞漁船鷄犬飛昇莫識淮南藥器青精無飴何以  
長生紫府有人但求不死禽習五戲佩坎離水火之  
數言夜守三尸探熊經鳥伸之大旨願奉教于芙蓉  
城下竊執鞭于玉局觀前用綴篇章聊抒感嘅

老病纏牽一葉身蓬松鬚髻總如銀烏頭白朮醫多謬  
季主君平卜不神羣鬼挪揄過癸酉三尸狡獪鬪庚申  
高談今日逢何媪勇作荒山學道民

回首平生事事魔，聖門科四我何科。  
腐儒癡想赤松子，村媪黥同春夢婆。  
妥貼困眠與饑飯，安排樵斧又漁蓑。  
也知避世非容易，其奈膏肓痼疾何。

五十九年衰病翁，棘人三載恨匆匆。  
心懷填委書齋裏，歲月消磨藥竈中。  
清晝客談蕉鹿夢，舊官我笑馬牛風。

一條冰在書州牒，傳與人看面欲紅。

時報  
服闋

日恨求仙欠夙因，坎離水火語空頻。  
命中誰註三磨蝎，

退之在身宮東坡在  
命宮子燕之而三病後多慚一婦人。  
盧扁氏來吾上



客董雙成好爾前身世間尚有幾年住笑向蒼天欲墮  
中

巾幘婆娑喜拍張最嫌老子一儻荒城居不比村居靜  
六十何如八十彊自悔風塵來滾滾誰教歲月去堂堂

道書數卷參同契福薄無緣讀一行

城居二句  
何媪語

鏡中面骨瘦峻嶒苦學打包行脚僧婢守風簷春藥白  
兒燒寒夜讀書燈山青一片黑雲過霜白滿窗紅日升

絮被貪眠小龕裏不催卯酒懶晨興

打包黑雲  
感近日事

三年怪事莫禁當日夜追陪二豎狂臂痛曾扛千斛鼎

齒搖難啗大官羊夢招故鬼兼新鬼

連宵故友  
多入夢

客謝元

方與季方花甲將週何足料從今齊物混彭殤

可笑龍鍾一倍加災年思慮更紛拏愁多平子從何賦  
衰甚香山枉自誇冬雪初開新酒甕春風重放老梅花  
千支前後翻新曆大笑寧餘幾歲華

蛇足無端畫幾番舊交尚有幾人存不尼不惠吾常態  
呼馬呼牛客嚙言劉項從前太多事杜韓以後那堪論

茂陵它日求遺草

昔人句

只有山薑花滿軒

化去乾山成異物生前傀儡是同儕墳封馬鬣心方穩  
地有青山骨可埋大石作碑三笏立小松種子兩行排

殷勤笑向山妻道身後佳城事已諧

近信青島家言故有末章

### 老秀才述懷

屯氏河涯老秀才紙窗泥壁草堂開兩池滿貯芙蓉種  
十甕新收麴蘖材亭是盧公吟杜地家隣董子讀書臺  
明年六十村中住好與牧童吹笛來

黑竜潭上

黑竜潭上一村中烟火茅茨氣味同  
後巷織簾前牧犢  
南隣蠶婦北漁翁  
鴨鵝隊隊波心白  
柿棗垂垂樹頂紅  
新蓋小亭如笠大松陰四面納清風

王秋史下第後久無書至作詩訊之

欸冬花放壓寒雲  
燈火空齋倍憶君  
狂態何妨朝阮籍  
科名誰解愧劉蕢  
雪殘山老滄溟宅  
鬼泣鴟鳴扁鵲墳  
幾許詩篇新上卷  
晴窗寄我一書屨

送李瀚如歸里

巾箱詩卷束行滕驛路疲驢力不勝風雅幾人懷鄴下  
文章片石訪韓陵寒天欲雪頻沽酒野水無橋可渡冰  
春早梅花開已半清齋有約讀書燈

甲戌除夕雜詩

平頭六十歷年華老子陳人歲月賒  
遇事悔從何處說  
麤才衰向幾人誇  
婢嫌白傅詩篇少  
客笑齊髡酒量加  
二豎連朝斲辭去  
寒廳坐賞款冬花

土木形骸百不宜入山高臥是何期暮年生子愁黃口  
塵面逢人指白髭恥與上卿同拜跼休翻新歷數千支  
昨宵祀竈空盃酒無復迎神鏡聽辭

鹿鹿經年莫策功凌晨趨走慣匆匆稜稜便是安心法  
繞指誰為強項翁世路馬牛呼覺美玉門芋瑟技全工  
貪吟溫樹歸鞭暮飽看螭頭夕照紅

深山車到烟霞窟晴日風敲燕雀羣洛下誰為真理學  
關西忽訝舊將軍波臣驚顧旌旗出雁戶歡傳雨露分

大雅典型悲宿草新恩賜築北邙墳

回頭羊胛事全虛暮景飛騰定不如島瘦郊寒詩格下  
濁賢清聖酒功疎草堂資待春料理杞國憂憑睡破除  
乙亥明年逢本命乞歸穩釣鬲津漁

正月十六日

出郊騎馬太匆匆耗磨寒原眺望中山上雪連山下白  
水西霞照水東紅還鄉羨指盧臯路故跡訛傳碣石宮  
十五國人塵土面荆高不識在何叢

友人送酒

驀地酒官新拜除陶然三合量無餘  
招尋雪鬢齊年友  
高閣蠅頭細字書  
馬援豈云真矍鑠  
嵇康故爾太龐踈  
醉來垢癢無聊甚  
何日歸山自櫛梳

三春

枝上鷓鴣儼舍貧  
不知門外已三春  
河干柳色經寒淺  
屋頂鳩聲喚雨頻  
買得狸奴將數子  
移來酒戶在西隣  
瑟居莫道官衙靜  
日拂朝回滿面塵



城西書所見

維摩小院抱長堤  
凹凸花通宛轉溪  
舊柳腰隨新柳舞  
雛鶯古學老鶯啼  
山光蒼靄青能了  
菜甲蒙茸綠漸齊  
孤負遨頭過上巳  
吟鞭今日踏香泥

凹凸花見張僧繇畫譜

初夏郊行

酒帘如帶受風斜  
飛盡柳綿開棟花  
濃樹翠流前夜雨  
遠山紅束半腰霞  
馬蹄有礙蝶當路  
鳥語不停蜂鬧衙  
如此風光誰領畧  
便宜落盡野人家

祖園

溪南新夏興飛騫白糝紅酣入野園  
酒旆風搖牆外柳  
遊人午坐水中軒  
半啼半住鳥聲嬌  
乍雨乍晴花氣溫  
詩縱吟成休上口  
吾今得意已忘言

送侯閣公之官資縣

榴花紅照畫烏亭  
蜀道青天欲上行  
山縣孤村蠶市小  
珠波野岸芋田清  
千筒酒劑官槽滴  
十色牋材妓染成  
更有披襟娛賞處  
吟詩多在錦官城

官衙百里笮橋西打鼓張旗玉壘齊桐樹花開新鳳抱  
琴徽聲動午鷓啼江干霞色丘遲錦祠壁蟲絲杜甫題  
阿段他時來問訊須教遠路蜀茶攜

濟瀆廟池上

泉源王屋山中出古廟靈祇自可憑門壁丹青吳道子  
殿碑名氏佛圖澄幾羣白鶴風前舞一帶紅霞樹上蒸  
歷代祠官修祀事潔清無用辨淄澠

雙池北面倚巖阿池上飛飛浴鳥過松已百年猶自長

水行千里總無波，隔鄰况是名園好。自昔曾聞藥草多，  
便欲停車十日住。高吟孺子濯纓歌。

司空園夜坐是日寄家書

傍晚園林露坐清，遲眠來日不登程。天邊新月肯相照，  
山上閒雲何處行。蝙蝠撲簷飛不定，芭蕉停雨靜無聲。  
目昏未敢勞燈火，草草家書急就成。

少林寺

五乳峯明入翠微，水光山色自清暉。寺前絕壁高千尺。

澗上蒼杉大十圍，碣石尚存厨庫記。  
達摩曾賜水田衣。  
二語寺中遺事  
禪闕寂寂花爭發，日暮鐘鳴鳥亂飛。

### 少室山

少室爭如太室幽，竒峯六六野雲流。  
石堂誰訪邢和璞，古洞曾棲帛道猷。  
紅白花斑風半墮，高低霞影樹全收。

行行立馬青松外，欲上懸崖采帝休。

帝休草名見山海經帛道猷詩連峯

數千里修竹帶平津，雲過遠山翳風至。梗荒榛茅茨隱，不見雞鳴知有人。間步踐其徑，處處見遺薪。始知百代下故有。

義皇民

增峻澗口費躋攀李渤何年住此山但侶野猿尋澗去  
不騎官馬向人間路逢支遁應相識津泛漁郎定不還

鴉黑天紅入城去過橋愁聽水潺湲

張籍詩採玉峯連  
佛寺幽高高斜對

驛門樓無端來去騎官  
馬寸步教人不得遊

題高鍊師小照

記從訪爾是冬殘春暮重來對牡丹病客刀騷新白髮  
侏儒短小老黃冠易於爛醉猶勤讀琴已無絃不廢彈  
藥竈鶴牀子道侶兩人同上畫圖看

張寄亭洗馬招偕諸公看芍藥晚歸同王少宰

顯菴遊祖園四律

十年不入豐臺路策馬今朝又此行山似呼朋尋舊約  
鳥如春婢弄雙聲白頭只覺閒遊好小雨偏催綺句成  
多謝滂葩解人意四圍香氣午風清

漫將婪尾比名姝白糝紅酣十萬株亭上閒雲連野色  
衣痕蝶粉與蜂鬚較來洛下諸園少

洛陽名園記  
言芍藥者一看徧

龍興四院無合倩熙筌為畫本一番沒骨費工夫

山情不用太喧聒靜坐小亭風榭隈一事相關惟芍藥  
千叢得意是豐臺燕因窺客多狂舞花為衰年盡滿開  
澹灑樽前慚小戶須招北海酒龍來

將軍園外野橋通一帶桑枝麥穗中別墅半移禪榻地  
孤村斜卷酒旗風翠微西去無多路蟆水寒流有斷虹  
十里烏啼城柝響蕭蕭鞭影夕陽紅

村中即事

自朝及午幾回眠翻覺日長如小年蠶老空餘桑頂葉



鶯啼只傍竹窗邊青黃杏子風中熟  
甲乙書籤手自編  
有客約尋行藥地野花十里夕陽天

村前村後不多路縱有黃埃何處生  
戴笠自尋瓜圃去  
騎驢閒向麥田行千重遠岫雲為態  
一水垂楊畫不成  
倒着巾來仍獨往酒筒詩侶總闌情

河亭獨坐

笠大亭子河之湄上架竹竿下茅茨  
一聲兩聲鳥不住  
千片萬片雲來時少女風前雨細細  
孤舟橫處烟垂垂

春衣微冷我歸去何處牧笛空中吹

小園

小園名亦署山薑薄地寬閒十畝強舊葺草廬還未破  
初栽棗樹已成行轆轤不歇新穿井薜荔何知盡上牆  
花鴨一船蠶一簇牛經蟹志又商量

村中漫興

東臯二月柳蔦綿曲彙藜床自在眠芋舍幾層衣佛寺  
鳥歌三疊到溪邊盃浮綠蟻消長晝人在青山惜暮年

數縷遊絲雙燕子安排春織有新篇

五月二十六日聖木怡齋過訪借雨來子益兩

弟觀荷分體四律

五月天熱草堂靜堂前盆荷初吐花欲開未開水碧色  
將雨不雨天紅霞蜀葵石榴莫輕妬書籤歌扇何紛拏  
子雲之宅太寂寞門旁已繫白鼻馬

有客翩翩來二妙不然長日閉山扉麥錫杏酪午堪飽  
狂態老夫花撲衣風撼薜蘿自裊裊香生蛺蝶雙飛飛

卷十二  
公蓮已落詩人手不賦潘妃賦洛妃

名花今日比名妹昨日當筵記得無每嘆白頭仍自笑  
偏教歌鳥勸提壺峯顛玉井高千丈鉢底青茄放幾株  
未免有情誰遣此類唐一醉要人扶

厭次堂如厭次城脫衫據地晚涼生日斜雲氣籠花氣  
樹古風聲作雨聲嗜飲須同狂阮籍論詩休訝老彌明  
津樓已閉歲蕤鎖我愧詩篇第七成

老來

老來萬事沒心情一二仍然意不平逢酒豪如逢烈士  
愛花痴比愛傾城從今習氣消除盡向後浮雲自在行  
祇可困眠饑啗飯閒聽兒子讀書聲

記夢

兀騰春夢欠分明十二瑤臺頂上行天濶飛來華表鶴  
風冷吹下步虛聲吳剛月老年年斧緱嶺花殘夜夜笙  
王母桃花多少樹今番定問董雙成

答醒齋以詩代柬

寄書問我村中事一水滄浪住上頭河戍平田間射雉  
杏花微雨自登樓門無嘶馬雲來往坐有提壺鳥勸酬  
獨是維摩春日病落殘婪尾幾曾瘳

村中韓坡見訪

有客騎驢款竹扉小園席地話依依曾于雨後鋤瓜否  
纔自庄西割麥歸碧柳垂條轆轤井紅藤拄杖芰荷衣  
翛然二老堪圖畫輸爾長鬚道貌肥

重陽後作

重陽已過後五日青驢白恰東墅行束帶拜佛此村寺  
撞鐘吹螺天正晴堂上維摩有偈語門前老樹無秋聲  
不因衰病自來去試問斷鴻何故鳴

壬午紀

恩四首

自甘沉寂山中老

詔下偏憐蟻蟲臣李渤退閒稱隱客韓翃名姓冒詩人  
風飄雪葉朝衫重牋擘吳綾

御墨新行在史官勞記注敦牂黍臞小陽春

寒綠茅堂如笠大高懸三字以三峯元和體格驚新樣  
天水規撫邁舊蹤捧出巷喧希代寶詮來義取後彫松  
一條下署冰銜在赤篆盤挈抱六龍

氣紫何須闕尹識衣黃傳是

聖人來龍單斜立長河口豹尾平分鹿角隈伊呂公卿  
張毳幕班揚侍從盡髦才歛冬花放戎戎雪初自宮門  
下直回



三叉路口烘村火八里莊西送

駕還野鳥數鳴如戀

主蹇驢一跨好歸山馮唐年紀垂垂老袁豹才名漸漸  
刪桑落滿壺書滿榻菌巢從此戶常關

盆梅

老鐵一樁圍四寸橫枝三五尺餘強人與梅花太冷淡  
天教明月來商量林逋原在山中臥何遜曾為水部郎  
束手我無吟賞法武彞茶白火新香

村居襟詩

頭白還家第二春，小園風景又重新。  
陰晴自哂安鳩拙，南北空勞記雁臣。  
滿樹桃花紅匝匝，數峯石色碧嶙峋。  
香山居士心情淡，本是荒村一老民。

踏破東臯入翠微，春烟深護綠羅扉。  
人情舊雨殊今雨，節序生衣換熟衣。  
石湖云：人情舊雨，非今雨。老境增年是減年。衰已不堪無

別想癡還多悔，自知非馬卸空著。  
千金賦却讓孫弘，收豕肥。

東豎離城三十里十章喬木一長河燕如徐孺年年榻  
鶯似秦青樹樹歌刺水殘山容我住龍拏蟻鬪閱人多  
楞嚴不誦如來笑其奈衰翁已醉何

村豎奉佛  
一年矣

脈脈春風如潑乳戎戎細雨似淋灰青搖老柳得狂勢  
紅破小桃無籍開牧笛數聲長短曲邛旗一路淺深盃  
忽逢陶令鋤瓜去又見韓康賣藥回

今日恰逢寒食日雙驢下澤一輕車墻間舊鬼呼新鬼  
村陌楊花亞菜花孤墻颼輪紅寺外小橋烟枕綠溪斜

春光較比前年好布穀聲喧社鼓過

撩厯花光撲白顛涪軒四面藥欄前蛇休畫足疑無地  
鼠為拖腸怕上天清磬名香陪佛坐烏絲紅袖費吟牋  
馬通餅熟來朋侶攬我風漪午晝眠

五丁神力擘柴關家具一車來此間漁市三重雙寺合  
菟裘十丈萬松間豆棚瓜舍知多雨碧障紅螺却欠山  
安得手攜元漫叟往聽水藥背蓬還

頭銜改注太匆匆名籍新編處士中茗盃小兒嘲陸羽

草堂逋客笑盧鴻  
心期苦笋乾  
休剝詩卷黃楊閨不同  
莫以熬魚輕捉鼻  
騷壇節鉞策吟功

回頭大抵歎勞薪  
自卜幽栖少麴塵  
燕語午喧鑽火日  
棟花風撲賣餠人  
喜聞魚鳥多消息  
說到文章一欠伸  
貞白入山稱宰相  
幾曾管領十分春

杜甫休嗟小吏輕  
可堪項領瘦全生  
藏生決不如秦贅  
處世難于下趙城  
日者原來多嚙語  
社公真是沒心情  
幾番肩拍洪厓笑  
休上蓬萊頂上行

騎驢倒墮眼昏花白練裙低烏帽斜舊事垂頭驚繪虎  
乞人張喙比神鴉秦中白傅西涼伎渭水何戡賣餅家  
小謝輕埃濡蕙帶往探洞府輟雲車

薺甘荼苦我何云依舊齋頭老瓦盆麴部籤分中上戶  
蠶神花賽凸凹村山經水志今重讀宋鷓吳牛可兩存  
坊底青泥芹二畝新排鹽鼓抵熊蹯

空堂默坐已斜照孤雁冥鴻思入雲山下田園陶處士  
壁間樓閣李將軍嗜書莫想餐仙字譏世休誇罵鬼文

黑白妍媸聊爾爾酒中賢聖藥中君

北斗南箕總贅疣  
鐘此日又何求  
貪書伎倆搬薑鼠  
似醉心情食甚鳩  
小閣納雲新簿領  
垂楊臨水舊風流  
閒蹤謝客登山去  
欲采神芝到祖州

村行一路弄新烟  
覓句聳成山  
字肩絕代詞人瘦  
開府當場歌者李  
龜年我軀大是鳩  
巨榼書舍寬于鴨  
嘴船暈碧栽紅休  
放過春時最好暮  
春天

層城十二想仙都  
眼底真形五岳圖  
花外厭嘶紅叱撥

風前摩捋白髭鬚細抄木序安松竈淨滌茶筒調水符  
他日添予耆舊傳黃庭一卷攫驪珠

龜毛兔角兩徒然羣鬼揶揄感昔年土偶衝途逢木偶  
一禪妙理得三禪春醅香後茶蘼雨風榭花時蛺蝶天  
古語人生行樂耳腐儒膠柱少真詮

擗擋菊苗何快哉山蘊庭院儘新栽恰分元亮一籬雨  
移到延年千種材灌水從今難袖手香醪自此不停盃  
黃黃白白花時節記得花時雁信來



徒駭鳴榔路通蝸牛一角瓦廬中禁當揚柳薔薇雨  
消受鷓鴣笈箸風范蠡家隨波上下杜陵詩在灤西東  
吾村合是烟霞窟雌霓平鋪萬樹紅

禪房薤葉午烟齊薜荔墻根六尺藜老佛看人如欲語  
流鶯聞磬不成啼支公月榻留殘照彌勒花龕補舊題  
紅鴿寶幢雲鬣靜叅法喜是何妻

禱詩後十首

人間到處築糟丘十字風帘第幾樓村肆酣時依瓮臥

香醅熟後以巾菊每尋綠樹聽黃鳥莫負清樽歎白頭  
賤奏玉皇封飲戶劉伶例合爵通侯

餅盆麴蘖儘精材一日長星勸一回樂府疊歌將進酒  
老夫得意不停盃人藏綠水青山裏客有陶潛李白來  
茗芋浹旬還茗芋落殘婪尾佛桑開

啞鴉風檻似揚舲又上暮春修禊亭澆水移來山躑躅  
開簾飛過雨蜻蜓登樓詞賦輸王祭爬癢神仙做蔡經  
不信先生耽飲事試看牆脚臥空瓶

藜床當午睡，慵騰鳳子翩翩。喚不磨花墮，萍湯澆舌本。  
風鋪酒暈，上睂稜美人香草，新荃蕙。佛子禪關，舊毳毼。  
有客門鈴來繫馬，袒張袒臂，一鞞鷹。末二句謂楊遠  
卿上四首飲酒  
向來不信老無用，及到老時真可嗟。白髮強尋行藥地。  
紅欄愁放殿春花。人情大抵好皮相，力士那能馘日車。  
鱸粥一盂，行杖策千鍾，十榼漫相夸。

連朝意匠自匆匆，要賦閒居底事同。竹可為軒編鶴器，

地量加五祝牛宮。

見松陵  
陸集

天垂雲髻濃還淡，雨濕花斑

白間紅細數盆魚招粉蝶先生頭腦不冬烘

小齋清露滌風襟步屨長吟復短吟陶氏有田唯種秫  
陸生作賦偶愁霖花如人卧坦簷腹雲似山流瀉樹心  
長物差堪添爾雅研名鷓鴣帖來禽

書几西頭藥竈東漁策樵斧不曾空珠囊未遭驪龍睡  
樹杪偏多少女風曲唱虞虜悲送日人夸矍鑠實衰翁  
去天一握屈原問白石南山兩鬢蓬

脫輟赫旗事漫猜封羊今日更喧阗人間怪鳥古難識

天上一星何處來黃口小兒成底用白頭老子易生哀

看他炙蹠高談者誰是當年稷下才

上三首  
苦雨

乘車戴笠日思量尺蠖盤旋亦不妨選樹彭亨安茗鼎  
傍花曲录坐藜床風迴上下蜻蜒陣雨長莓苔翡翠牆  
要出門無容足地古歡堂是讀書堂

七夕

戊橋牛渚今安在尚爾年年一度過星若有情星亦老  
吉用長巧云可乞巧無多靈槎海上憑年卜憤鼻竿頭奈

阮何瑟瑟秋風愁瓠子平分烏鵲兩填河

古歡堂集卷十二

欽定四庫全書

古歡堂集卷十三

戶部侍郎田雯撰

五言絕句

題畫

野花藂谷口山翠撲風裾  
拄杖平橋上臨流看打魚  
舟中作四首

谿鳴風雨來漁子窅然去  
岸上是何村搖竿入深樹  
霞氣動衣裳水光相映帶  
西看疊嶂青山在夕陽外

帆腹飽天風舟輕不可泊崖花無數開林鳥有時落  
轉蓬數村過浴水一鷗圓晴雲如襞絮片片上人船

為牧堂上人

無本新詩成去謁張韓老秋水蓼花風吹送淮南道

題織簾居畫卷為顧麟士先生

不見緯蕭人今之畫圖是江雁一行飛拄杖看雲起

七言絕句

寓園四首



門外誰停下澤車西風雁陣一行斜舍人真是閒無事  
徧數秋葵滿院花

短榻低簾官舍虛清流撥刺午風餘秋來自汲長河水  
種得盆中二寸魚

薜荔牆根石徑寒青樽烏帽足盤桓秋來絕少籬邊菊  
五柳先生未棄官

耳熱歌酣夜氣深秋燈涼月正披襟不知雨後藤蘿長  
半畝垂垂弔地陰

題畫

開遍黃花遶舍秋灣環一水到門流  
山翁曳杖橋邊立  
欲向西風駕釣舟

詹麗朋惠蘄簟

書屋三重曲象牀  
庭花經雨一叢香  
先生官冷心無熱  
何用琉璃八尺黃

題畫二首

木葉飄蕭萬壑深  
疾風急霰響寒林  
溪邊驀子欲何往

寂寂不聞梁父吟

春回烟破柳條空  
村路鞭絲帽影中  
向晚行人來渡口  
船頭鴉背夕陽紅

再至祖園二首

記昔曾遊舊路微  
酒旗人影送斜暉  
柳綿踈地濃陰裏  
隊隊黃鸝塌翅飛

稻花蘋葉雨冥冥  
再上將軍袂褱亭  
百尺長堤一篙水  
烟中更有數峯青

同陳學士論詩二首

韓有南山杜北征江河萬古各縱橫不聞山谷分工拙  
讀者何曾得定評

劍南萬丈光鋸在坡老堂堂妙入神可笑蚍蜉撼大樹  
少陵不敢薄令人

以詩寄友人代柬

臂鷹走馬擲携蒲對酒當歌美丈夫別後應知頭已白  
一餐還盡羸肩無

摩訶寺看牡丹

前尋黃氏山莊去今又摩訶寺裏來  
一種遊情消不盡  
偏逢雨後牡丹開

乞歸不得

十載為郎老且癯  
官囊賸有俸錢無  
自擔書卷歸田去  
不是知章乞鏡湖

丁巳八月同張晴峯移工部郎中戲成四絕即  
柬晴峯

遲暮名場歲月虛  
新官例掌考工書  
相看老友悲華髮  
潦倒同君十載餘

街塵抖擻舊朝衫  
新拜除書又一函  
似是馬曹原不惡  
喧阗小吏報頭銜

寒廳花發使人愁  
何遜清吟苦不休  
他日兔園標物序  
官梅東閣在揚州

香奩才思劇清狂  
斗帳濃花每斷腸  
詩格怪君似韓偓  
人呼小字是冬郎

將歸

晚菊寒叢病有花  
西風吹鬢雁行斜  
秋深時節辭官去  
不待頭綱八餅茶

三角店

蠻方聞道已休兵  
何事軍書夜未停  
土屋柴門三角店  
愁人七十五長亭

閒居

從此閒居二十年  
官休身退可高眠  
棲遲農舍甘衰老

也似東坡比樂天

東坡詩云出處依稀似樂天敢將衰  
老較前賢便從洛社休官去猶有閒

居二

十年

偶閱飛燕外傳二首

射雀兒郎雪夜迴趙家姊妹有仙胎  
遠條館接含風殿  
玉體橫陳赤鳳來

披香博士唾君王百寶車迎妃子粧  
海上蓬萊嗤武帝  
求仙只在白雲鄉

自題漪亭讀書圖



水部蕭閒似隱淪，亭邊秋水淨無塵。  
一編猶展南華讀，可笑詞場揖隸人。

清遠如茗雪，檀欒即渭川。  
卷簾度沙鳥，倚檻集江船。  
漁父歌相答，郊居賦早傳。  
披圖憶田叔，幽思滿林泉。

王士禎

茅亭彷彿艤秋帆，萬箇簷簷老未艾。  
可以陶公讀山海，村醪一酌一抽函。  
書帷安穩薜園深，隱几翛然總廢吟。  
堪笑斲輪太多事，先生却自埽蓬心。  
林堯英

讀溫飛卿集

一代才名乾黜子八吟  
叉手亦徒然不教詞賦陪雕輦  
空讀南華第二篇

茅山絕句

東風吹我入山行  
芟草江烟煖漸生  
纔買治龔村店酒  
春禽忽放兩三聲

竹裏村烟嫌客過  
花邊小隊少人知行  
行自覓山腰路  
鴉髻雙童杖一枝

謝客石門太多事  
卒徒車馬亂紛紛  
今朝布鞵青鞵興  
莫遣山靈笑使君

斜插梅花烏帽邊  
小橋風雪劇流連  
茅山道士不相識  
錯比襄陽孟浩然

衆鳥高飛雲不開  
剗然潭底一聲雷  
待予小試神仙術  
去割乖龍左耳來

行到陂陀全口邊  
岸中小憩綠巖前  
斜陽流水桃花下

忽遇神仙謝自然

見女道士

曳尾何如放浪遊  
華陽洞在大茅頭  
他年若學陶貞白

不畫雙牛畫一牛

陶隱居祠

雙髻前行是鮑姑  
搬家曾見稗川圖  
今來汲水宅邊井

竹子一行松二株

葛洪井

尋仙我欲學長生  
狂躅三茅頂上行  
安得懸崖縛亭子

自吹松火煮黃精

龍眠道中四首

村落山風作雨絲  
鷓鴣放鴨晚烟時  
人家一帶梅心驛

水白秧青杏子垂

稻畦多似圍碁局  
流水中間駕小舸  
回望桑枝山下路  
田官蠶女各分曹

前路於菟夜捉人  
朝來野老話溪津  
寒烟苦竹司徒廟  
打鼓鑿鑿祭虎神

忽見鷓鴣一隻飛  
漁莊蟹舍雨霏微  
前年過此曾投宿  
野店斜陽水四圍

五溪橋絕句

淺流壓石澌澌動怪鳥穿松濕濕啼偶被青山留便住  
木蓮花下小亭西

第九層山路最遙曳筇筋力未全消刺衣數本鉢囊樹

撲面一聲婆餅焦

鳥名

閒拄紅藤採藥行山中瑤草盡知名黃袍西去無多路  
九節菖蒲滿澗生

直上九峰峰上頭吳頭楚尾大江流他年追憶看山事  
槐子蟬聲細雨秋

露筋祠

黃頭高唱水程長  
覽社風來菡萏香  
向夕露筋祠下過  
土垣瓦屋一垂楊

喜吳野人至

覽社湖頭蓮葉津  
輕鷗柔艣水粼粼  
白髭拄杖斜陽下  
知是詩人吳楚人

避風館

避風館在江東岸  
瓜步颿回四月初  
白板小船趁潮上

櫻桃時節打鱖魚

途中偶占

層層麥秀桑枝路曲曲  
小橋流水間馬上不知行幾里  
垂鞭貪看夕陽山

梁谿道中

銅斗連聲拍浪婆蒲帆十幅下烟波  
官艚瓢大無簫鼓  
只似往來張志和

題杜牧尋春圖為吳園次



春花零落雪溪邊  
說到尋春亦可憐  
太守風流今老矣  
不堪重畫杜樊川

紅桃照水似胭脂  
人影衣香異昔時  
只合斜陽殘柳下  
重題一首杜秋詩

荅友人

酒徒詞社總成虛  
白首相知按劍餘  
紅蓼花開秋鴈叫  
關門正著絕交書

悼虎兒

迢迢水驛江南夢寂寂黃花九日徂小睡山蘊書屋裏  
西風涼雨哭於菟

樹似髭髥垂兩耳鳥如糞炬賣晴曛秋原野水長堤下  
新築童烏一小墳

移居尊水園祭盧南村先生

並序

杏花碎錦甲第空擬金張燕子烏衣風流徒稱王謝  
春來秋去短牆喬木誰家物換星移滄海桑田無恙  
所以他人入室每興慨於唐風若夫一枝可棲更寓

言於莊叟維茲南村先生尊水園者門臨督井圃接荒  
城徑則有三應同蔣詡之築柳何妨五真似陶潛之栽  
竹屋紙窓酒痕歷歷青鞋布襪詩思泠泠取杜名亭祀  
五郎於窻輿命胥鈔句見于美於美牆何殊成都橋邊  
住東屯而收稻不啻潁昌村裏坐桑下以受風久矣人  
琴俱亡悲哉墓木已拱為某所有轉售於余於是啟戶  
登堂焚香設座擔書而入老僕操篋頻來剪紙以招先  
生吟魂不遠但愧潭潭華屋解嘲錯比揚雄稍喜垂垂

官梅東閣堪留何遜然而人非詹尹頻話卜居設使君  
作伯通亦須賃廬昔子山江陵客舍乃宋玉之故廬右  
丞輞口山莊實延清之舊宅此富兒俗子未許托此數  
椽而明月清風常若懸其一榻也况聞蔡邕授琴書於  
王粲謝朓割半羶於江郎迆迆傳之其人後日述為盛  
事豈特盧教化去存市廛之一區田舍歸來賦小山之  
叢桂已哉奠澆白墮祭告紫房齋署曰盧亭仍名杜凡  
有半弓隙地亟令栽花何少二頃秫田儘堪釀酒南榮

北牖馴鶴堦前東柯西枝送鴻天際伶白吾友濁賢  
清聖堆塵劉項詞人垓下大風衝口將書抵塞三閭  
屋願追問字之班用酒消融萬古愁聊效執鞭之慕  
二百年來無作者廣川今見一先生若教白監涪翁在  
鳳髓弦膠有定評

草屋三間子美亭先生醉卧不曾醒空園竹柏多搖落  
九點齊山未了青

前輩風流是我師苦心箋註少陵詩迢遙德水稱知己

畫扇齋中對酒時

三十年前公便死間庭風月幾經春  
南村若有先生在  
小子當為灑掃人

題西齋夜話圖

并序

西齋三間爐一琴一竹几二酒甕四蠟炬二牀一寬  
八尺長倍之堆書數百卷三人相向箕踞坐其上  
一人烏衫白鬚揚頰微笑一人褐衣棕鞋憑隱囊似山  
澤老癯一人面豐頰圓年獨少旁有侍姬蠻結雙鬟

著素熟衣齋外怪石老藤蒼松苦竹寫影憇上堦前  
黃菊四五叢大放一童灌花一童守茶鐺為西齋夜

話圖

黃菊數叢秋水外老藤一本竹窓前魂消斗帳濃香裏  
腸斷曉風殘月邊

自作新篇付雪兒看他紅袖寫烏絲寒亭祇有雙鬟好  
何用花奴與段師

文履輕裾作意新清歌妙舞屬何人老懷寂寞西風冷

也向燈前賦洛神

楓葉蘆花秋氣清不殊憔悴在江城  
今朝似遇白司馬  
為弄琵琶三兩聲

江南江北暗悲傷  
嘹唳西風雁一行  
最是驪歌聽不得  
曼聲莫唱小秦王

目昏

花壓釵頭綴玉蟲  
燒鐙半夜課書功  
一般賦得寒儒分  
何不眼如王濬沖



耳聾

四十八年成老翁一瓶社酒總無功  
旁人錯怪杜陵叟  
佯說耳從前月聾

齒落

豁然第一牙辭去軟嚼牛鬪暗自傷  
早韭晚菘煨豆粥  
從今不食大官羊

鬚白

黑髭換盡白髭生燒藥抄方染不成  
翻怪西齋圖畫好

貌予老態太分明

近作西齋  
夜話圖

題惠元龍紅豆齋畫卷

東禪東畔小園亭  
曲录眠牀傍短屏  
牆外半篙溪水白  
屋邊一畝藥苗青

亂藤亞竹不關門  
書本茶鐺野興存  
況是畫來真好手  
郭熙山子巨然村

顏闔黔婁此宅東  
清貧格調略相同  
休言破壁無餘物  
數卷書兼兩石弓

竒絕一株紅豆樹東禪一日一回過須知樹落詩人手  
儻父山蘊較若何

無題

百頃烟波萬綠楊湖邊細雨睡鴛鴦采蓮船去人聲寂  
又斷蘇州刺史腸

春夜觀元龍子益對奕

小伶低唱柘枝新一串訝喉妙入神酒過十巡夜三鼓  
不妨我作爛柯人

手剥黃柑佐舉杯  
楸枰一局興悠哉  
贏他紅豆詩千首  
勝賭宣城太守來

題長齋繡佛圖五首

遇暴客  
後作

刀俎餘生莫問天  
如來接引去逃禪  
名香一瓣三升酒  
從此長齋繡佛前

斷葷戒殺終須記  
罷酒停歌我不能  
僥倖佛容為弟子  
頽唐磊落一癯僧

漫空天女散優曇  
難唱參橫夢正酣  
乍醒斜看燈火照

始知彌勒夜同龕

嫁得黔婁百不宜何曾舉案與眉齊  
病中說向山妻道君似維摩法喜妻

酒魔詩械亦須清打疊僧包放脚行  
擬結香山作禪伴

竺乾師是古先生

用白樂天齋戒詩略廣其意

病足二首東李陶菴

芒屨布襪總成虛孤負春光一月餘  
眼底花朝動遊興商量昇出小籃輿

詞場酒社不須閒最苦高眠日閉關但有心情何用脚

十分狂態白香山

第三句即用白語

濟南病中遲惠元龍不至却寄二首

閒亭風月不多寬村笛山謔酒味酸何似濯纓湖畔好  
桃花萬樹待君看

柳黃水綠亂峯青白雪樓邊歷下亭撲地飛花寒食近  
同君一哭李滄溟

移家濟南

柳條初綠齊河道  
杏酪新沽灤水邊  
一輛青油小車子  
鮑姑在後葛洪前

友人書來詢予卜居所在

卜居決意在湖鄉  
風雨春深底事忙  
近得一廬僅容膝  
柴門臨水兩垂楊

和惠元龍寄目存詩用紅豆齋韻

依稀月觀與風亭  
窈窕花欄又紙屏  
湖上詩僧清興好  
坐看七十二峯青

野日山光擁寺門  
書籤畫粉竹房存  
他年再入江南路  
訪爾橙黃橘綠村

山薑僧舍嵒峯東  
為畫新圖行脚同  
酒注瓦盆寬似海  
杖挑破衲曲如弓

青山白社野情多  
有日東禪著屐過  
得遇遠公成一笑  
溪邊相送又如何

海棠八絕句

花朝過了無乾  
日寒食風多絕  
可憐獨有今宵好  
佳景



不晴不雨海棠天

今日狂夫分外狂  
愛花便死亦何妨  
自逃禪後無他好  
一事關心是海棠

斜插一枝烏帽簷  
紛紛數片落書籤  
多情燕子趁人舞  
解事香醪如蜜甜

心情冷淡久成灰  
強到花邊醉一回  
多謝海棠解憐我  
株株爭為老夫開

低回遑事淚沾襟  
曲录眠牀日苦吟  
忽遇海棠如快友

一番痛飲話知音

只宜清坐弄滂葩  
高燭紅粧一抹霞  
急管繁絃須住手  
莫教唐突海棠花

小臣牘奏玉皇前  
花盛如人正少年  
爛漫從今不凋謝  
朱顏長駐酒杯邊

倩誰為借護花旂  
誤損紅芳柳氏園  
安得移來長伴我

山薑屋角讀書軒

柳氏園二  
株最盛

送周生南歸

河魚出水論斤賣羅醞傾瓶試入脣初夏眉園好風景  
鶯啼花落送歸人

竹竿小卷三年住硬餅酸齏暗斷腸不是風流蕭思話

誰憐顧曲一周郎

謂韓坡

重重水綠山青裏漠漠蠶絲麥穗邊譜入詞塗作畫  
李營丘與柳屯田

野樹櫻桃顆顆紅黃鸝微雨酒旗風疲驢破帽江村路  
自掃鷺溪粉本中

九日同惠元龍作

新蠲買來十餘輩，芋魁掘得兩三筐。  
幅巾短褐秋窓下，細讀陶詩醉一場。

雞肥酒熟野人家，小巷茅堂雁陣斜。  
可笑老夫多態度，白頭烏帽插黃花。

齋厨炊熟菊花糕，入箸酸齏似冷淘。  
紅豆吟成詩六首，兩人鬪飲亦分曹。

寒夜城樓打二更，四隣砧杵寂無聲。  
一年最是重陽好。

苦茗殘碁坐到明

讀東坡集偶題

一代文章蘇長公  
泉源萬斛自稱雄  
前身直是昌黎子  
磨礮由來守命宮

文詞弛禁政和年  
始有眉山墨跡傳  
道士恰從天上至  
曾逢奎宿玉皇前

小坡著作來儋耳  
孫覲才名亦絕倫  
宦者更竒梁守道  
屬毛離裏說先臣

惠州禪寺朝雲死也似香山別柳枝寂寞沙洲人不見  
雲藍小袖又生兒

詞桀蘇門六君子風流文采一時新坡公賞識原竒絕  
元祐年間盡黨人

僕逃二首

蠻奴散去竟何之冷落休官異往時我愧不如蕭穎士  
愛他博與受鞭笞

長鬚赤脚無妨去鬻馬騎驢興不違自笑還勝白太傅

春隨樊子不曾歸

油燈

三更寒漏不曾眠  
一椀松肪且自煎  
翻怪冠公危篋裏  
鄧州花燭費多錢

九日無菊

東籬正直菊花天  
陶令初歸亦可憐  
多少白衣來送酒  
如何不見傅延年

對鏡

只合空山結草廬  
雪深一尺夜燈虛  
蒙頭絳帕袍山繭  
不讀兵書讀道書

贈別

酒鈎歌扇總闌情  
不用何戡唱渭城  
數朵黃花留客醉  
一林紅葉送人行

呂鐵翁惠方鳥

經秋病卧掩巖荆  
門外何曾半步行  
可怪鐵翁太多事

一雙解脫與田生

解脫履名  
見南史



無題

河邊有樹是相思  
裊裊春風初嫁時  
鳳尾香羅紅豆蔻  
繁欽合作定情詞

送友還蜀

渭城斜日連芳草  
棧道春風送馬蹄  
疊疊青山看不厭  
雙鴻已下浣花溪

萬里宅荒綠樹稠  
荼蘼開謝幾經秋  
歸家且酌郫筒酒  
坐看橋邊錦水流

過臨清

王門詞客衛河濱  
來弔清淵謝茂秦  
妬爾風流眇君子  
當年賈扣嫁詩人

天雄北郭見人家園中雙鶴

我欲開籠縱君去  
凌風萬里上青冥  
世人黑白何曾識  
悔注從前相鶴經

潞王墳

石馬荒涼草徑斜  
殘僧一二少人家  
陵園今作山腰寺

落地斑斑雨後花

王氏園亭在百門泉南岸

茶鐺藥竈讀書堂上下林巒曲抱塘倘許平分三畝宅  
多栽竹子種垂楊

孫登祠二首

亂石參差暮靄封有人清嘯欲相從葛巾野服天微雨  
已到蘇門第一峯

牕外忽聞鸞鳳音一聲長嘯上嶙峋嵇康三載從遊者

翻媿山間作炭人

邵子祠

一峯突兀插青天，深澗平岡又接連。  
直上堯夫祠畔望，白楊老鶴夕陽前。

見貧道士

村口桃花餅餌香，橫拖藤杖覓齋糧。  
丹經寫就成何用，不信全無辟穀方。

毘耶寺

徙倚三株佛院松  
靜聽雨後講時鐘  
無端縣令知遊寺  
偏在夕陽山下逢

偶題泉上壁

高山流水路層層  
帽影鞭絲興倍增  
兩日百門泉上住  
相隨只有一琴僧

題趙千里海天圖卷

海濶天空真快哉  
神山況有好樓臺  
世間受用唯徐福  
奉使求仙竟不回

題蘇漢臣畫

十數嬰兒妙入神水邊遊戲任天真翻嫌點兩童心減  
冠者何須五六人

題胡循齋小像

梅花百本三重閣紅袖雙姬數卷書詩人住在神仙宅  
年紀才過二十餘

逢年曾作水曹郎何遜同吟亦不妨今日輸君官閣裏  
獨添如許好篇章

臨漳縣

英雄作用豈人同  
帳伎西陵落日中  
別事看來總遺棄  
分香賣履是英雄

恨這關

楚塞原來霄漢間  
青山一髮入荆蠻  
子規啼盡行人少  
風雨瀟瀟恨這關

午日

安石榴花寂寞開  
三閭古廟抱荒臺  
沌陽渡口停舟處

買得蠻村角黍來

陸羽祠

烟波淼淼月泠泠  
雁陣鷗羣散遠汀  
鴻漸祠邊浮棹過  
閒挑燈火讀茶經

姊歸廟

高唱滄浪沔口東  
於菟鄉裏弔秋風  
屈原廟與女嬃宅  
盡在白蘋紅蓼中

食筍



繡佛長齋已數年  
武昌況少買魚錢  
泊舟風雪樊湖口  
參透今朝玉板禪

采石磯重登太白樓有感題壁

燃犀波動石皆動  
尺木盡存松亦存  
再上青蓮樓上望  
漫天風雪大江昏

二上字  
各意

渡揚子江

峭帆落日大江流  
鐵甕城邊葉葉舟  
遙望三山如有約  
風濤十里不知愁

舟發揚州偶感脚疾適友人折柬將赴飲先投  
以詩

楚尾吳頭行路難  
二分明月下江干  
彥威半作襄陽士  
慚愧齊名釋道安

歌舞樽壘一輩新  
玉鈎斜畔迴無塵  
蛾眉樓上何妨笑  
看我蹒跚蹙蹙人

送程梓園歸里

水淺風柔十幅蒲  
潞河楊柳客船孤  
送君思倩唐寅手

為作黃山御史圖

梓園有唐伯虎畫  
子每索之不得

江上春風路上花  
計程穀雨可還家  
寄余寶物還須記  
十笏隄糜二餅茶

古歡堂集卷十三